

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
JAVNA USTANOVA „DJECA SARAJEVA“
SARAJEVO
-UPRAVNI ODBOR-**

Broj: 06-01-5/26

Datum: 04.09.2026. godine

Na osnovu člana 47. tačka g) Zakona o predškolskom odgoju i obrazovanju Kantona Sarajevo („Službene novine Kantona Sarajevo“, br. 26/08, 21/09, 33/21 i 31/22), člana 41, člana 68. i člana 71. Pravila Javne ustanove „Djeca Sarajeva“ Sarajevo, a u vezi sa Izmjenom i dopunom Instrukcije o upisu djece u predškolske ustanove u školskoj 2026/2027. godini, broj: 11-04-34-54267-16/26 od 27.08.2026. godine, Upravni odbor Javne ustanove „Djeca Sarajeva“ Sarajevo, na svojoj 12. elektronskoj sjednici održanoj dana 04.09.2026. godine, donosi

**PRAVILNIK
O IZMJENAMA I DOPUNAMA PRAVILNIKA O PRIJEMU I BORAVKU DJECE U
VRTIĆIMA JU „DJECA SARAJEVA“ SARAJEVO**

Član 1.

U Pravilniku o prijemu i boravku djece u vrtićima JU „Djeca Sarajeva“ Sarajevo, broj: 06-01-5/23 od 24.07.2023. godine, iza člana 10. dodaje se novi član 10a., koji glasi:

„Član 10a.

- (1) Izuzetno od člana 10. stav (2) ovog Pravilnika, ukoliko periodični upisni rok za školsku 2026/2027. godinu nije realizovan prije početka školske godine, roditelj/staratelj se može neposredno obratiti Ustanovi radi privremenog upisa djeteta u jedan od vrtića u sastavu Ustanove koji raspolaže slobodnim mjestima te sa Ustanovom zaključiti ugovor o boravku djeteta za period od 1. septembra 2026. godine do okončanja prvog periodičnog upisnog roka, i to za poludnevni boravak na Obrascu 6a, odnosno za cjelodnevni boravak na Obrascu 7a.*
- (2) Upis djece i formiranje odgojno-obrazovnih grupa na način iz stava (1) ovog člana vrši se u skladu sa važećim Pedagoškim standardima i normativima.*
- (3) Prednost pri upisu na način iz stava (1) ovog člana, i to isključivo za period od 1. septembra 2026. godine do okončanja prvog periodičnog upisnog roka, imaju djeca koja su u školskoj 2025/2026. godini već pohađala predškolsku ustanovu.*
- (4) Djeca upisana na način iz ovog člana neće se evidentirati u informacionom sistemu EMIS za period od 1. septembra 2026. godine do okončanja prvog periodičnog upisnog roka, a najkasnije do 10. oktobra 2026. godine.*
- (5) Odredbe ovog člana ne primjenjuju se na djecu koja su putem upisnog roka provedenog u periodu april-juni 2026. godine stekla pravo na upis u predškolsku ustanovu niti na djecu koja su pod izuzetnim okolnostima stekla pravo na upis u predškolsku ustanovu, uključujući upis posredstvom nadležnog centra za socijalni rad. Ova djeca evidentiraju se u informacionom sistemu EMIS nakon što njihovi roditelji/staratelji zaključe ugovor sa predškolskom ustanovom u kojoj su ostvarili pravo na upis. “*

Član 2.

Član 36. stav (1) mijenja se i glasi:

„(1) Sastavni dio ovog Pravilnika su:

- a) Obrazac 2 - Prijava za upis djeteta u Obavezni program za djecu u godini pred polazak u školu,*
- b) Obrazac 6 - Ugovor o međusobnim pravima i obavezama davaoca i korisnika usluga (poludnevni boravak),*
- c) Obrazac 6a - Ugovor o boravku djeteta za period od 1. septembra 2026. godine do okončanja prvog periodičnog upisnog roka (poludnevni boravak),*
- d) Obrazac 7 - Ugovor o međusobnim pravima i obavezama davaoca i korisnika usluga (cjelodnevni boravak),*
- e) Obrazac 7a - Ugovor o boravku djeteta za period od 1. septembra 2026. godine do okončanja prvog periodičnog upisnog roka (cjelodnevni boravak),*
- f) Obrazac 8 - Sporazum o promjeni vrste/mjesta boravka,*
- g) Obrazac 9 - Sporazum o raskidu ugovora radi ispisa djeteta,*
- h) Obrazac 10 - Izjava o namjeri odsustva djeteta iz vrtića u trajanju najmanje jedan mjesec bez prekida,*
- i) Obrazac 11 - Prijava neopravdanog nedolaska djeteta u vrtić,*
- j) Obrazac 12 - Opomena pred raskid zbog neplaćanja,*
- k) Obrazac 12a - Opomena pred utuženje zbog neplaćanja. “*

Član 3.

Ostale odredbe Pravilnika o prijemu i boravku djece u vrtićima JU „Djeca Sarajeva“ Sarajevo ostaju nepromijenjene.

Član 4.

Ovaj Pravilnik stupa na snagu osmog dana od dana objavljivanja na oglasnoj ploči Javne ustanove.



**PREDSJEDNICA UPRAVNOG
ODBORA**

Senada Jusić-Dučić

Dostaviti:

- Direktorici
- Oglasna ploča
- Služba pravnih i općih poslova
- a/a